

Qishloq hayoti

2016 йил Соғлом она ва бола йили

Кишлоқ ҳаёти

Ўзбекистон Республикаси ијтимоий-иқтисодий газетаси

www.qishloqhayoti.uz

2016-ЙИЛ 18-ФЕВРАЛ, ПАЙШАНБА, 21 (8572)-сон

1974-йил 1-январдан чиқа бoshлаган
Bahosi kelishilgan narxda.

«ВАТАНГА ХИЗМАТ ШАРАФДИР, БОЛАМ!»



Оқил ҒУЛОМОВ (ЎЗА) олган сурат.

ПАРЛАМЕНТ ҲАЁТИ



ОМБУДСМАН ҲИСОБОТИ ЭШИТИЛДИ

Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Унда депутатлар Ўзбекистон Республикаси Олий Мажлисининг Инсон ҳуқуқлари бўйича вакилининг 2015 йилдаги фаолияти тўғрисидаги ҳисоботини эшитдилар.

Маълумки, 2015 йил мамлакатимиз ҳаётида муҳим сиёсий воқеаларга бой йил бўлиб, тарих зарварақларидан жой олди. Хусусан, Ўзбекистон Республикаси Президенти сайлови энг муҳим сиёсий воқеа бўлди. Мазкур сайлов инсон, унинг ҳуқуқлари, эркинликлари ва манфаатлари олий кадрият ҳисобланган очик, ҳуқуқий, демократик давлат ва кучли фуқаролик жамияти барпо этиш йўлида жамиятимизнинг янада жипслашганлигидан далолат берди.

Шунингдек, фуқароларнинг давлат ва жамият ишларини бошқаришда иштирок этишдаги конституциявий ҳуқуқи ҳамда сайлов тўғрисидаги миллий қонунчилик ҳужжатларига ва халқаро ҳуқуқнинг умумэтироф этилган демократик принципларига тўла мувофиқ тарзда ўтган очик, ошқора ва муқобил сайловлар чоғида фуқароларимизнинг ўз хоҳиш-иродасини эркин билдириш ҳуқуқи яна бир бор тўлиқ намоён бўлди.

(Давоми 2-саҳифада)

БОЖХОНА КОДЕКСИ ЯНГИ ТАҲРИРДА

ЖОРИЙ ЙИЛНИНГ 21 АПРЕЛИДАН ЎЗБЕКИСТОН РЕСПУБЛИКАСИ
БОЖХОНА КОДЕКСИНИНГ ЯНГИ ТАҲРИРИ КУЧГА КИРАДИ

Ўзбекистон Республикасининг 2016 йил 20 январдаги “Ўзбекистон Республикасининг Божхона кодексини тасдиқлаш тўғрисида”ги Қонуни билан тасдиқланган мазкур кодекснинг янги таҳрири замон талаблари даражасида ишлаб чиқилган бўлиб, унга киритилган янги нормалар соҳага оид муносабатларни аниқлаштириш ва тартибга солишда муҳим аҳамият касб этади.

Таъкидлаш лозимки, бугунги кунга қадар амалдаги Ўзбекистон Республикасининг Божхона кодекси ва “Бож тарифи тўғрисида”ги Қонундан ташқари, соҳага оид 350 дан ортиқ қонуности ҳужжатлари қабул қилинган. Шунингдек, божхона қонунчилигини такомиллаштириш мақсадида Ўзбекистон Республикасининг Божхона кодексига 16 мартаба, “Бож тарифи тўғрисида”ги Қонунига 14 мартаба ўзгартиш ва қўшимчалар киритилган.

– Божхона кодексининг янги таҳрири соҳага оид қонуности ҳужжатларининг сони ва доирасини қисқартириш, сифатини ошириш, уларни ҳаётга татбиқ этишнинг ишончли механизмларини яратиш, божхона маъмуричилигининг барча босқичлари ва даражаларида норма ҳамда ташкилий-ҳуқуқий механизмларнинг бир хилда қўлланилишини таъминлаш мақсадида қабул қилинди, – дейди Ўзбекистон Республикаси Давлат божхона қўмитасининг Ҳуқуқий бошқармаси бошлиғи Абдуғофур Курбонов. – Шу билан бир-

га, унда божхона тизимида самарали божхона назоратини ташкил этиш, ташқи савдо операциялари ривожланишини рағбатлантириш, маҳаллий ишлаб чиқарувчиларни ҳимоя қилиш ва қўллаб-қувватлаш, ташқи иқтисодий фаолият, кичик бизнес ва хусусий тадбиркорлик субъектларига юқори даражада қулайликлар яратиш ҳам кўзда тутилган.

Янги таҳрирдаги кодекс 12 бўлим, 59 боб ва 412 та моддадан ташкил топган бўлиб, унда, энг аввало, божхона фаолиятига доир 31 та (амалдаги кодексда – 16 та) тунчалар аниқ тарзда ифодалаб берилган. Шунингдек, кодексда божхона чегараси орқали олиб ўтиладиган товар ва транспорт воситаларини аниқ божхона режимида расмийлаштириш қоидалари тартибга солинган бўлиб, 16 турдаги (амалдаги кодексда – 15 та) божхона режими, уларни қўллаш ва тугатиш шартлари ҳамда тартиблари батафсил ёритилган.

Янгича ёндашув божхона бошқа-

рувининг консерватив соҳаси ҳисобланган божхона назоратида ҳам кўзда тутилган. Божхона идораларининг маъмурий ресурслари (имкониятлари) энди танлов принциpidан келиб чиқиб, божхона қонунчилигига риоя этилишини таъминлашга етарли бўлган божхона назоратининг тегишли шакллари билан чекланилади. Кодекснинг янги таҳрири маълумотлар олиш, божхона кўздан кечируви, товарлар махсус белгилар билан маркаланганлигини текшириш, товарлар чиқарилгандан кейинги божхона назорати, божхона кузатуви каби божхона назоратининг 5 та янги шакллари билан тўлдирилди.

Муҳими, бу ўзгаришлар ташқи иқтисодий фаолият қатнашчиларининг ҳуқуқларини чекламайди. Аксинча, Ўзбекистон Республикаси божхона чегараси орқали ҳаракатланаётган товарларни самарали божхона назоратидан ўтказиш ҳамда уларнинг божхона расмийлаштируви муддатларини қисқартириш имконини беради.

Кодексда, шунингдек, божхона тўловларини тўлаш тартиби, шакли ва муддатлари батафсил ёритилган. Унга ташқи иқтисодий фаолият қатнашчисининг хоҳишига кўра тасаруф этиладиган келгуси божхона тўловларини тўлаш учун пул маблағлари тушунчаси ҳам киритилди.

(Давоми 2-саҳифада)

ОМБУДСМАН ҲИСОБОТИ ЭШИТИЛДИ

(Боши 1-саҳифада)

Ушбу сайловлар билан мамлакатимизда 2014 йил декабрь ойида бошланган давлат органларини демократик тарзда шакллантиришнинг конституциявий жараёни ниҳоясига етиб, Олий Мажлисининг Қонунчилик палатаси депутатлари ва Сенати аъзолари сайланди. Бош вазир ва ҳукумат аъзолари, шунингдек, Ўзбекистон Республикасининг Конституциявий суди ва Олий суди таркиблари тасдиқланди.

Давлатимиз раҳбари янги чақириқдаги парламентнинг қўшма мажлисида таъкидланганларидек, конституциявий ислохотлардан келиб чиққан ҳолда, давлат бошқаруви органлари фаолияти устидан, қабул қилинаётган қонунлар, социал-иқтисодий, ижтимоий-сиёсий ривожланишнинг энг муҳим давлат дастурлари сўзсиз ижро этилиши устидан парламент назоратини амалга ошириш бўйича Олий Мажлис палаталарининг ва, биринчи навбатда, фракциялар ва депутатлар гуруҳларининг ишлари сифат жиҳатидан янги асосда ташкил этилиши керак.

Шундан келиб чиқиб, инсон ҳуқуқлари тўғрисидаги миллий қонун ҳужжатларини такомиллаштиришга кўмаклашиш, уларга риоя этилиши мониторингини амалга ошириш, фуқароларнинг муурожаатларини кўриб чиқиш, аҳолининг ҳамда давлат органлари вакилларининг ҳуқуқий онги ва баҳардорлигини ошириш, инсон ҳуқуқлари ва эркинликларини ҳимоялаш соҳасида халқаро ҳамкорлик қилиш ҳисобот йилида Омбудсман фаолиятининг асосий йўналишларини ташкил этди.

Шу билан бирга, Омбудсман ўз фаолиятини Олий Мажлис Қонунчилик палатаси ва Сенатининг қўмиталари, суд ва

ҳуқуқни муҳофаза қилувчи органлар билан яқин ҳамкорликда олиб борди. Қолаверса, Омбудсман парламентнинг назорат-таҳлил тадбирларида иштирок этди. Очиқлик ва шаффофликни таъминлашда иштирок этиш, амнистия акти қўлланилишини мониторинг қилиш Омбудсман ва унинг ҳудудий вакиллари фаолиятида алоҳида ўрин тутди.

Омбудсманнинг фуқаролар муурожаатларини кўриб чиқиш ва уларнинг бузилган ҳуқуқларини тиклаш бўйича фаолияти “Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) тўғрисида”ги, “Давлат ҳокимияти ва бошқаруви органлари фаолиятининг очиқлиги тўғрисида”ги ҳамда “Жисмоний ва юридик шахсларнинг муурожаатлари тўғрисида”ги Ўзбекистон Республикаси Қонунлари нормаларига қатъий мувофиқликда амалга оширилди. Фуқаролар Омбудсманга умумий ва электрон почта, шунингдек, “ишонч телефони” орқали, шахсан қабул қилиш ва жойлардаги учрашувлар давомида муурожаат этдилар.

Омбудсман ҳисоботи якунида ўз фикрини билдирган Ўзбекистон Халқ демократик партияси фракцияси давлат ва жамият томонидан ижтимоий кўмакка муҳтож бўлган аҳолининг барча қатламлари, шу жумладан, пенсионерлар ва ногиронлар, шунингдек, уларнинг ижтимоий ҳимояси билан шуғулланувчи бюджет ташкилотлари ходимлари, ижтимоий соҳа вакиллари манфаатларини ҳимоя қилишда фаол иштирок этишини ўзларининг энг муҳим вазифаси деб ҳисоблашларини билдирдилар.

Бу борада ўтган даврда фуқаролар ҳуқуқларини ҳимоя қилиш бўйича муҳим демократик

институтга айланган Инсон ҳуқуқлари бўйича вакилнинг фаолияти долзарб аҳамият касб этади. Фуқароларнинг конституциявий ҳуқуқлари, эркинликлари ва қонуний манфаатларини ҳимоя қилиш таъминлаш мақсадида давлат ҳокимияти органларининг фаолияти устидан жамоатчилик назоратини кучайтириш зарурлигига алоҳида эътибор қаратилди.

Инсон ҳуқуқлари бўйича вакил ва унинг ҳудудий вакиллари номига келиб тушган фуқароларнинг муурожаатлари таҳлили ҳам чуқур ўрганилди. Фуқароларнинг ҳуқуқлари, эркинликларини таъминлаш устидан таъсирчан назоратни амалга ошириш, уларнинг бузилиши эҳтимоли сабабларини аниқлаш бўйича яқин ҳамкорлик қилиш депутатлар, сиёсий партиялар фракцияларининг келгусидаги қонун ижодкорлиги ва назорат-таҳлил фаолиятида муҳим аҳамият касб этиши эътироф этилди.

Хулоса ўрнида шуни айтиш мумкинки, 2015 йил Ўзбекистоннинг ривожланиш тарихида ёрқин из қолдирди. Жамиятнинг сиёсий, иқтисодий, ижтимоий ва маданий ҳаётида амалга оширилган янгиланиш ва ислохотлар мамлакатимиз тараққиёти, халқимиз фаровонлиги йўлида дадил қадам бўлди. Шунингдек, ҳисобот йили давомида фуқароларнинг ҳуқуқлари, эркинликлари ва қонуний манфаатларини самарали амалга оширишга қаратилган қонунлар ҳамда норматив-ҳуқуқий ҳужжатлар, давлат, тармоқ ва ҳудудий дастурлар ҳам қабул қилинди.

Баҳром ОБИДЖОНОВ,
Ўзбекистон Республикаси
Олий Мажлиси Қонунчилик
палатаси депутати.

АКАДЕМИК САИД ШЕРМУҲАМЕДОВ

Ўзбекистон илм-фани оғир жудоликка учради. Ўзбекистон Республикаси Фанлар академияси академиги, фалсафа фанлари доктори Саид Шермухамедов 2016 йил 16 февраль куни 86 ёшида вафот этди.

С.Шермухамедов 1930 йил 12 майда Бухоро вилоятининг Қоракўл туманида туғилди. 1948-1953 йилларда Самарқанд давлат университетига таълим олди. Ўқишни тугатиб, ушбу университет аспирантурасида таҳсилни давом эттирди. Фалсафа фанининг долзарб масалалари бўйича 1960 йилда номзодлик, 1974 йилда докторлик диссертациясини ҳимоя қилди. 1994 йилда Ўзбекистон Республикаси Фанлар академиясининг аъзоси этиб сайланди.

Илмий-педагогик ва раҳбарлик фаолиятини биргаликда олиб борган таниқли олим ўзининг 60 йилдан ортқ мейхат фаолияти давомида Ўзбекистон Фанлар академиясининг фалсафа ва ҳуқуқ институти илмий ходими, илмий котиби, директор ўринбосари, республика маориф вазири, Педагогика фанлари илмий-тадқиқот институти директори, Ўзбекистон Миллий университетининг кафедра мудирини каби масъулиятли лавозимларда самарали хизмат қилди ва юртимизда фалсафа фанига доир масалаларни илмий тадқиқ этиш, ижтимоий-гуманитар фанлар йўналишида юқори малакали кадрлар тайёрлаш ишида фаоллик кўрсатди.

С.Шермухамедовнинг фалсафа фанининг назарий ва амалий масалаларига бағишланган монографиялари, кўплаб рисола ва мақолалари илмий жамоатчиликка яхши маълум.

Талабчан ва жонкуяр устоз сифатида кўплаб ёшларга илм-фан сирларидан сабоқ берган заҳматкаш олимнинг раҳбарлигида ўнлаб фан докторлари ва фан номзодлари тайёрланган.

Атоқли олим, меҳрибон устоз, камтарин инсон Саид Шермухамедовнинг хотираси қалбларимизда ҳамisha сақланиб қолади.

**И.КАРИМОВ, Н.ЙЎЛДОШЕВ,
Н.ИСМОИЛОВ, Ш.МИРЗИЁЕВ,
Ш.СОЛИХОВ, Ш.СИРОЖИДДИНОВ**



БОЖХОНА КОДЕКСИ ЯНГИ ТАҲРИРДА

(Боши 1-саҳифада)

Унинг ёрдамида божхона тўловларининг тўланиши ҳамда давлат бюджетига ўтказиш расмиятчиликларини соддалаштириб, ушбу жараёнга сарфланадиган вақт янада қисқаради.

Бундан ташқари, кодексга божхона тўловларини тўлашнинг янги шакллари, шу жумладан, “божхона тўловлари тўлашни мажбурийатини суғурталаш” ва “учинчи шахснинг қафиллиги” тушунчалари ҳам киритилди. Бу эса ташқи иқтисодий фаолият қатнашчисига ўз хоҳишига кўра, божхона тўловларини тўлашнинг 5 та (амалдаги кодексда – 3 та) шаклдан бирини танлаш имконини беради.

Ягона ахборот маконини шакллантиришнинг умумжаҳон тенденциясини ҳисобга олган ҳолда, янги таҳрирдаги Божхона кодексига соҳага доир фаолиятда ахборот-коммуникация технологияларини кенг қўллаш, уларни амалиётга татбиқ этиш масалаларига ҳам алоҳида эътибор қаратилган. Хусусан, ҳужжатлар айлануви тизимини ўрнатишда божхона расмийлаштируви учун зарур ҳужжатлар электрон кўринишда тақдим этилиши мумкинлиги назарда тутилган.

Таъкидлаш жоизки, республикамизда товарларни божхонада электрон тарзда декларациялаш имкони 2013 йилда яратилган эди. Ўша йили ташқи иқтисодий фаолият иштирокчилари томонидан 39,2 фоиз божхона декларациялари электрон шаклда тақдим этилган бўлса, бугунга келиб бу кўрсаткич 99 фоиздан ошди. Эътиборлиси, мазкур электрон деклара-



циялаш ва электрон рақамли имзодан фойдаланиш имкониятлари божхона назорати тартиботини сезиларли равишда соддалаштириб, жадаллаштирмақда.

Янги таҳрирдаги кодексга тадбиркорлик субъектларига янада қулайлик яратиш, уларнинг ҳужжатларни давлат органларига тақдим қилиш билан боғлиқ овозрагарчилигини камайитириш мақсадида “бир дарча” тамойили механизми ҳам киритилган. Божхона органларининг ташқи иқтисодий фаолият қатнашчиларига маълумотларни тақдим қилиш ва уларга маслаҳатлар бериш бўйича мажбурийатлари батафсил ёритилган.

Амалдаги қонунчиликда интеллектуал мулк объектларини олиб кириш ёки олиб чиқишга бўлган тақиқни тартибда солувчи қоида мавжуд эмас эди. Шунинг учун божхона органларига контрафакт товар-



ларни ушлаш имконини берадиган, улар батафсил баён этилган таомиллар зарур ҳисобланарди.

Шу билан бирга, янги таҳрирдаги Божхона кодексига муаллифлик ҳуқуқи ва турдош ҳуқуқлар, товар белгилари, хизмат кўрсатиш белгиларига интеллектуал мулк объектларига бўлган мутлақ ҳуқуқ эгасининг, товарнинг келиб чиқиши жойи номидан фойдаланиш ҳуқуқи эгасининг ҳимояси билан боғлиқ бўлган янги тартиб ҳам киритилган. Унга кўра, агар божхона расмийлаштируви ҳамда назоратини амалга оширишда ҳуқуқ эгаси томонидан контрафакт деб кўрсатилган товарлар аниқланса, ҳуқуқ эгасига ўз ҳуқуқларини қонун ҳужжатлари билан белгиланган тартибда ҳимоя қилиш имкониятларидан фойдала-

нишга шароит яратиш учун бундай товарларнинг чиқарилиши тўхтатиб турилади.

Миллий матбуот марказида Ўзбекистон Республикаси Давлат божхона қўмитаси томонидан Олий Мажлис Қонунчилик палатаси билан ҳамкорликда ташкил этилган матбуот анжуманида шулар ҳисобига атрафчилик маълумоти берилди.

Тадбирда, шунингдек, “Ўзбекистон Республикасининг Божхона кодексини қабул қилиниши муносабати билан Ўзбекистон Республикасининг айрим қонун ҳужжатларига ўзгаришлар киритиш, шунингдек айрим қонун ҳужжатларини ўз кучини йўқотган деб топиш тўғрисида”ги Ўзбекистон Республикаси Қонуни мазмун-моҳияти ҳақида ҳам сўз юритилди.

Шодиёр ЙЎЛДОШЕВ,
“Qishloq hayoti” мухбири.

Тошкент Вилояти



ТОМОРҚАДА ҚЎЗИҚОРИН

Қўзиқоринлар ўзига хос таъми ва ифори билан бошқа маҳсулотлардан ажралиб туради. Парҳезшунослар уни “ўрмон гўшти” ҳам дейишади, чунки у ҳақиқатдан ҳам жуда тез очлик ҳиссини йўқотади. Халқ табобатида қўзиқорин бир қанча касалликларни даволашда қўлланади.

Тадбиркорликнинг қирралари кўп, турлари ранг-баранг, имкониятлари эса бисёр. Ишбилармонлик инсонни фаровон ва бахтли ҳаётга етаклайди. Бу соҳага киришган киши нафақат ўзининг, оиласининг фаровонлигини таъминлайди, балки элу юрт маъмурчилигига ҳам муносиб ҳисса қўшади.

Ўрта Чирчиқ тумани Қорасув маҳалласида яшовчи Абдусаттор Хидиров тадбиркорлик ортидан турмуши фаровонлигини ошириб келаётган юрдошларимиздан. У ҳовлисининг 1,8 сотих майдонида тансиқ неъмат – қўзиқорин етиштириб, ундан мўл ҳосил олаётир.

Тадбиркор мана икки йилдирки, мўтадил иқлимда ўсувчи шампиньонлар оиласига мансуб “Вешенка” навли қўзиқорин парваришлаб келмоқда. Ўтган даврда у ушбу ўсимликнинг ривожланиши бўйича билим ва тажрибасини оширди.

– Одатда бу навли қўзиқоринлар бир ойда тайёр маҳсулот сифатида етишиб, истеъмолга яроқли бўлади, – дейди Абдусаттор ака. – Ундан шўрва, тузламалар, турли хил салатлар ҳамда бошқа таомлар тайёрлаш мумкин. Қўзиқориннинг энг асосий устунлиги у оқсилнинг конидир. Бу модда қўзиқоринда тухумдан 2 марта, гўшдан 3 баробар кўпдир. Фосфор ва кальций эса худди балиқдагидек миқдорда бўлади. Айни дамда у паст калорияли маҳсулот бўлиб, озгина есангиз, дарров тўйиб қоласиз. Парҳезшунослар унинг бу жиҳатидан фойдаланиб, таомномага қўшишни тавсия этишади.

Ушбу ўсимликнинг саломатликка фойдаси катта. Бу неъмат таркибида темир, калий, кальций, йод ҳамда бош-

қа элементлар мавжудлиги боис имунитетни оширади.

Мутахассисларнинг таъкидлашича, ушбу ўсимлик жуда витаминларга бой ҳисобланади. Унинг 100 граммда 3,3 гр. оқсил, 0,4 гр. ёғ ва 4,2 гр. углеводлар ҳамда 88,8 гр. сув бўлиб, қуввати 38 кКални ташкил этади. У оқсил ва углеводлари билан сабзавотларга, витаминлари билан эса мол гўштига тенглаша олади. Шунингдек, унинг таркибида В, С, Е, Д2 ва бошқа витаминлар мавжудлиги боис организмдаги холестерин миқдорининг камайишига ҳам хизмат қилади. Сирасини айтганда, ушбу ўсимлик инсон организми учун жуда фойдалидир.

ЭЪТИБОР БЕРИНГ!

Қўзиқоринлар хом сабзавотлар (бодринг, карам, помидор) билан келиша олмайди, бундай аралашма ошқозон бузилиши ва дам бўлишга олиб келади. Шу боис, уни фақатгина пишган сабзавотлар билан бирга истеъмол қилиш керак. У етарли даражада оғир таом ҳисоблангани учун ёш болалар ва қарияларда ҳазм қилишда қийинчилик туғдиради.

Тадбиркор бу маҳсулот ҳақида кўп нарсаларни билади ва яна ўрганишдан чарчамайди.

– Абдусаттор ака пенсияда бўлишига қарамадан тиниб-тинчимайди, – дейди маҳалла раиси Гулнора Абдурахимова. – Турмуш ўртоғи Шахло опа билан 4 фарзандни тарбиялаб, ҳалол меҳнатлари эвазига олий ўқув юртида ўқитди. Уларнинг фарзандлари ҳам халқ хўжалигининг турли соҳаларида меҳнат қилиб, Ватанимиз равнақига ўзларининг муносиб ҳиссаларини қўшишади, албатта.

Дарҳақиқат, ишбилармон инсоннинг қўллари мўъжиза яратади. Бу фаровон ҳаёт ва элга тегаётган нафдир.

Хуршид ФАЙЗУЛЛАЕВ

Равшан МИРЗАҚУЛОВ

олган сурат.

Қашқадарё Вилояти

БАЛИҚЧИЛИК

ҲАВЗАДАГИ «ХАЗИНА»

Қарши шаҳрида балиқчилик хўжаликларини ташкил этиш ва ривожлантиришга бағишланган семинар ўтказилди. Тадбирда ушбу тармоққа дахлдор мутасадди ташкилот, муассаса ҳамда балиқчиликка ихтисослашган фермер хўжаликлари раҳбарлари, тадбиркорлар ва оммавий ахборот воситалари вакиллари иштирок этди.



Унда таъкидланганидек, айни пайтда Қашқадарё вилоятида 243 та балиқчилик хўжалиги мавжуд бўлиб, улар томонидан ўтган йилда қарийб 3,5 минг тонна балиқ маҳсулотлари аҳоли дастурхонига тортиқ этилди. Вилоятда ушбу тармоқни янада равнақ топтириш мақсадида қатор ишлар амалга оширилмоқда. Балиқчиликка ихтисослашган корхона ва ташкилотларни молиявий қўллаб-қувватлаш мақсадида маълумотлар базаси шакллантирилмоқда. Хусусан, уларнинг ҳисобрақамлари “Ипотека банк”ка ўтказилди. Шунингдек, 80 дан зиёд лойиҳани амалиётга татбиқ этишда банкнинг замонавий, тезкор хизматларидан фойдаланиш кўзда тутилмоқда.

Бу ишларни амалга ошириш-

да намуна сифатида Нишон туманида “Қашқадарё балиқ тайёрлов савдо” МЧЖ шаклидаги ихтисослашган агрофирма ташкил этилди.

Мазкур агрофирма балиқчиликка ихтисослашган хўжалик юритувчи субъектларни балиқ чавоқлари, озуқа-ем маҳсулотлари, кимёвий воситалар билан таъминлаш, балиқ маҳсулотларини сақлаш, қайта ишлаш ҳамда ички ва ташқи бозорга экспорт қилишга қўмаклашади.

– Кўргазмали семинардан бир олам таассурот олдик, – дейди Нишон туманидаги “Жайхун кўли саховати” ишлаб

чиқариш корхонаси раҳбари Сайфулла Назаров. – Олти йилдан буён 34 гектар майдонда балиқчилик билан шуғулланамиз. Бу йил ҳавзамизни яна 20 гектарга кенгайтирмоқчимиз.

Семинарда жорий йилда вилоятда балиқчиликни ривожлантиришнинг истиқболдаги режалари белгилаб олинди. Иштирокчиларга балиқ етиштиришнинг илғор ва замонавий технологиялари акс этган видеолар намойиш этилиб, тегишли тавсиялар берилди.

Хусан ТЕМИРОВ,
“Qishloq hayoti” мухбири.

Жиззах Вилояти

Ғаламол туманига республика “I паррангасаноат” уюшмаси ташаббуси билан ҳуғуғга паррангачиликни ривожлантириш масалаларига бағишланган йиғилиш бўлиб ўтди.

МУВАФФАҚИЯТЛАР ОМИЛИ – ЭЪТИБОРДА

Унда мамлакатимизда мазкур соҳани ривожлантириш борасида амалга оширилаётган ишлар, ишлаб чиқарувчилар учун яратилган имкониятлар хусусида сўз борди. Шунингдек, паррандачиликка ихтисослашган йирик саноат корхоналарининг тўла қувватда ишлаш таъминлаш, бу йўналишдаги корхона ва хўжаликларни модернизация қилиш, соҳада илғор технологияларни жорий этиш юзасидан фикр алмашилди. Тухум ва гўшт йўналишида инкубацион тухум етиштиришга ихтисослашган наслчилик хўжаликларга балиқ етиштириш кенгайтириш, янгиларини барпо этиш масалалари ҳам йиғилганлар эътиборида бўлди.

Оқсилга бой компонентлар ва микроэлементлар билан бойитиш орқали парранда озуқасининг тўйимлилигини ошириш мақсадида озуқа цехларини такомиллаштириш, хонадонларда саноат усулида тухум ва гўшт етиштиришни йўлга қўйиш, бу борадаги илғор тажрибалар, паррандачиликни кредитлаш тартиби ва меъёрлари тўғрисида маълумотлар берилди.

– Бундай тадбирлар фермер хўжаликлари ва аҳолининг парранда етиштиришга бўлган қизиқшини кучайтириш, соҳага оид билим ва малакаларини оши-

риш, янги технологиялардан хабардор этиш мақсадида ташкил этилаётган ишлар, – дейди “Паррандасаноат” уюшмаси бошқарма бошлиғи Ҳакимжон Нормухаммедов. – Шу маънода, иқтисодий жиҳатдан самарали бўлган паррандачиликнинг даромади олиш имкониятлари, товук етиштиришнинг илғор ва тежамкор усуллари, банкдан кредит олиш борасидаги имтиёзлар ҳақида маълумот беряпмиз. Ушбу соҳага қаратилаётган алоҳида эътибор туфайли паррандачилик изчил ривожланаётир. Чунончи, ўтган йили мамлакатимизда 5,5 миллиард дона тухум, 110 минг 900 килограмм парранда гўшти ишлаб чиқарилди. Бу йил тухум донага чиқаришни 6,4 миллиард донага етказиш ҳамда 132 минг тонна парранда гўшти етиштириш режалаштирилган.

Паррандаларни турли касалликлардан ҳимоялаш, эмлаш воситаларини етказиб бериш ишларининг ташкил этилиши каби бир қатор долзарб масалалар ҳам тадбир қатнашчиларининг муҳокамасида бўлди. Йиғилиш якунида паррандачилик ва фермер хўжаликлари вакилларига мавзуга оид қўлланмалар берилди.

Алижон АБДУСАТТОРОВ,
“Qishloq hayoti” мухбири.

ТАЪЛИМ МУАССАСАЛАРИ, КОНЦЕРНЛАР, КОРПОРАЦИЯЛАР, БАНКЛАР,
ТАШКИЛОТЛАР ВА КОРХОНАЛАР РАЎБАРЛАРИ ДИҚҚАТИГА!

ТОШКЕНТ ИРРИГАЦИЯ ВА МЕЛИОРАЦИЯ ИНСТИТУТИ

2015-2016 ўқув йили битирувчилари тўғрисидаги маълумотларни эълон қилади



Институтда таълим олган бакалавр ва магистрлар мамлакатимиз аграр ва сув хўжалиги соҳасида қўлланилиб келаётган замонавий техника ва технологиялар билан кенг таниш бўлиб, иш фаолиятини бозор иқтисодиёти талабларига мос равишда ташкил қилишда мукамал назарий ва амалий билимларга эга бўлган мутахассислар ҳисобланади.

Манзил: 100000, Тошкент шаҳри Қори Ниёзий кўчаси 39-уй.
Веб-сайт: www.tiim.uz.
Маълумот учун телефонлар: (+998-71) 237-09-85, факс: (0-371) 237-38-79.

ТОШКЕНТ ИРРИГАЦИЯ ВА МЕЛИОРАЦИЯ ИНСТИТУТИНИНГ 2015-2016 ЎҚУВ ЙИЛИДА БИТИРУВЧИ БАКАЛАВРИАТ ВА МАГИСТРАТУРА ТАЛАБАЛАРИ ТЎҒРИСИДА МАЪЛУМОТ

№	ТАЪЛИМ Йўналишлари номи	Ҳудудлар бўйича битирувчилар сони															
		Битирувчилар сони	Қорақалпоғистон Республикаси	Андижон вилояти	Бухоро вилояти	Жиззах вилояти	Навоий вилояти	Наманган вилояти	Самарқанд вилояти	Сурхондарё вилояти	Сирдарё вилояти	Тошкент вилояти	Фарғона вилояти	Хоразм вилояти	Қашқадарё вилояти	Тошкент шаҳри	Бошқа давлатлар
БАКАЛАВРИАТ																	
1	Касбий таълим: Гидротехника иншоотлари ва насос станцияларидан фойдаланиш	17	-	1	-	-	-	-	1	3	-	2	-	3	3	4	-
2	Касбий таълим: Ер тузиш ва Ер кадастри	16	1	-	-	1	-	-	3	1	-	6	1	-	-	3	-
3	Иқтисодиёт (Сув хўжалигида)	49	2	2	-	1	1	1	1	2	3	3	2	2	2	27	-
4	Менежмент (Сув хўжалигида)	42	3	3	1	4	1	1	3	1	1	2	2	4	5	11	-
5	Бухгалтерия ҳисоби ва аудит	40	-	-	-	1	4	-	2	-	2	3	1	2	6	19	-
6	Касбий таълим: Сув хўжалиги ва мелиорация	21	-	-	-	-	-	2	-	3	-	7	-	1	4	4	-
7	Сув хўжалиги ва мелиорация	285	8	3	3	14	8	6	22	22	7	48	2	18	25	98	1
8	Экология ва атроф-муҳит муҳофазаси	51	-	-	-	3	1	-	-	1	1	10	2	2	7	23	1
9	Сув омборлари гидрологияси	22	1	1	2	2	1	1	1	-	-	3	1	1	5	3	-
10	Сув хўжалиги ва мелиорация ишларини механизациялаш	124	4	2	2	10	6	4	16	13	6	26	3	9	20	3	-
11	Ҳаёт фаолият хавфсизлиги	24	1	-	-	3	1	-	5	4	-	4	-	-	1	5	-
12	Электр энергетикаси (Сув хўжалигида)	50	1	-	1	4	3	2	4	7	2	8	1	1	10	6	-
13	Геодезия, картография ва кадастр (Сув хўжалигида)	50	3	3	1	3	1	-	2	3	-	14	2	-	1	17	-
14	Ер тузиш ва Ер кадастри	98	4	2	-	4	1	2	7	7	5	20	5	2	9	30	-
15	Гидротехника иншоотлари ва насос станцияларидан фойдаланиш	89	2	-	1	5	1	1	5	10	1	18	4	7	3	31	-
16	Гидротехника қурилиши	56	2	1	-	3	-	-	2	2	2	18	-	5	4	17	-
17	Ирригация тармоқлари сув энергиясидан фойдаланиш	38	1	-	1	-	-	-	-	3	3	8	-	1	3	18	-
18	Технологик жараёнлар ва ишлаб чиқаришни автоматлаштириш ва бошқариш	72	1	1	1	3	1	4	1	7	-	12	2	1	14	24	-
	ЖАМИ:	1144	34	19	13	61	30	24	75	89	33	212	28	59	122	343	2
МАГИСТРАТУРА																	
1	Гидромелиорация	7	-	-	-	1	-	-	1	-	1	1	-	-	-	3	-
2	Сув кадастри ва сув ресурсларидан самарали фойдаланиш	7	-	-	-	-	-	-	1	1	-	-	-	-	1	4	-
3	Гидромелиоратив тизимлардан фойдаланиш	9	-	1	1	-	-	-	2	-	-	-	-	1	2	2	-
4	Мелиорация ва суғорма деҳқончилик	9	1	-	-	-	-	-	1	-	1	1	1	1	2	1	-
5	Гидротехника иншоотлари (сув хўжалигида)	3	-	-	1	-	-	-	-	-	-	-	-	-	1	1	-
6	Гидротехника иншоотларидан фойдаланиш, уларнинг ишончилиги ва хавфсизлиги	6	-	-	-	-	-	-	-	-	-	-	-	2	3	1	-
7	Насос станцияларидан ва қурилмаларидан фойдаланиш ва ташхиси	5	2	-	-	-	-	-	2	-	-	-	-	-	-	1	-
8	Ер ресурсларидан фойдаланиш ва бошқариш	11	2	-	1	-	-	-	1	1	-	3	1	1	-	1	-
9	Геодезия ва картография (сув хўжалигида)	1	-	-	-	-	-	-	-	1	-	-	-	-	-	-	-
10	Геодезия ва картография (геоинформатика)	3	-	-	1	1	-	-	-	1	-	-	-	-	-	-	-
11	Гидромелиоратив ишларини механизациялаш	6	1	1	-	-	-	1	-	-	-	-	1	-	2	-	-
12	Атроф-муҳит муҳофазаси (тармоқлар бўйича)	4	2	-	-	1	-	-	-	-	-	1	-	-	-	-	-
13	Атроф-муҳит муҳофазаси (халқаро ер ва сув ресурсларини бошқариш)	1	-	-	-	-	-	-	-	-	-	-	-	-	-	1	-
	ЖАМИ:	72	8	2	4	3	-	1	8	4	2	6	3	5	11	15	-

